



REPUBLIKA E SHQIPËRISË  
MINISTRIA E ARSIMIT  
DHE SPORTIT

Nr..... Prot.

Tiranë, më .....2016

MIRATOHET  
MINISTËR

LINDITA NIKOLLA

**MATURA SHTETËRORE  
PROGRAMET ORIENTUESE**

**PËR GJIMNAZIN DHE GJIMNAZIN GJUHËSOR**  
**(Provim i detyruar)**

**LËNDA: GJUHË SHQIPE DHE LETËRSI**

**Koordinator: ERIDA KOLECI**

**Viti shkollor 2016-2017**

## I. HYRJE

Lënda e gjuhës shqipe dhe e letërsisë është provim i detyruar i Maturës Shtetërore për të gjithë nxënësit që mbarojnë shkollën e mesme. Për këtë, ata i nënshtrohen një testi, në përbërje të të cilit janë njohuritë dhe aftësitë e fituara në këtë lëndë, gjatë viteve të shkollës së mesme.

**Ky test zhvillohet mbi bazën e programit orientues.** Ky program i ndihmon nxënësit dhe mësuesit për t'u përgatitur për provimin e maturës. Programi, gjithashtu, u vjen në ndihmë inspektorëve të ISHA-s që të monitorojnë veprimtaritë e mësuesit për sistemimin dhe përforcimin e njohurive të nxënësve.

Programi orientues mbështetet në:

- Programet e gjuhës shqipe dhe të letërsisë në kurrikulën bërthamë.
- Udhëzuesin për zhvillimin e kurrikulës së re të gjimnazit, 2010.
- Standardet e të nxënët dhe të arritjeve përfushën e gjuhës shqipe dhe të letërsisë, 2012.
- Udhëzimin e MAS-it “Për zhvillimin e provimeve të Maturës Shtetërore, 2017”.

## II. UDHËZIME TË PËRGJITHSHME

Programi i shkollës së mesme nuk paraqitet me tema mësimore, por me objektiva të cilat e vënë theksin në rezultatet e të nxënët. Objektivat e programit të lëndës së gjuhës shqipe dhe letërsisë realizohen nëpërmjet **teksteve** (tekst tregimtar, tekst poetik, tekst dramatik, tekst bindës/argumentues, tekst përshkrues, tekst shpjegues, tekst informativ, tekst eseistik, tekst kulturologjik). Fakti që nxënësi përballet dhe ushtrohet në tekste të ndryshme, e bën më të lehtë “transferimin” dhe përdorimin e koncepteve, njohurive e aftësive edhe në tekste të tjera.

Kështu, testi i Maturës Shtetërore do të ketë në përbërje **fragmente nga tekste të ndryshme** (tekst tregimtar, tekst poetik, tekst dramatik, tekst bindës/argumentues, tekst përshkrues, tekst shpjegues, tekst informativ, tekst eseistik, tekst kulturologjik), **jo patjetër të punuara në klasë**.

Maturanti testohet për aftësitë intelektuale të vëzhgueshme dhe të matshme, të synuara nga programi dhe të zhvilluara në lëndën e gjuhës shqipe dhe të letërsisë, të tillë si:

- aftësia për të identifikuar dhe për të kuptuar (nivel bazë i aftësive intelektuale);
- aftësia për të analizuar dhe për të zbatuar (nivel mesatar i aftësive intelektuale);
- aftësia për të vlerësuar, për të gjykuar dhe për të mbrojtur qëndrime të caktuara (nivel i lartë i aftësive intelektuale).

## Përqindja e pikëve në test për secilin nivel do të jetë:

Nivelet e aftësive intelektuale		
Niveli bazë	Niveli mesatar	Niveli i lartë
40%	40%	20%

## Struktura e testit do të jetë:

**Pjesa e parë:** tekst letrar (45%)

**Pjesa e dytë:** tekst jolettar (55%)

Kjo do të thotë që në përgatitjen e maturantëve për provimin e Maturës Shtetërore do të punohet për përvetësimin e aftësive dhe teknikave zbuluese, shpjeguese, zbatuese, analizuese, sintetizuese dhe vlerësuese. Këto aftësi dhe teknika, nxënësit do t'i demonstrojnë dhe do t'i zbatojnë në tekste tregimtare, poetike, dramatike, bindëse/argumentuese, përshkruesse, shpjeguese, informative, eseistike, kulturologjike, *të punuara ose jo më parë në klasë*.

*Pra, nxënësit duhet të aftësohen për objektivat e programit orientues. Ata duhet të jenë të aftë të demonstrojnë arritjet e tyre në të gjitha llojet e teksteve.*

## III. OBJEKTIVAT E PROGRAMIT ORIENTUES, SIPAS LINJAVE JANË:

### TË LEXUARIT

Nënlinja	Objektivat
<b>Njohuritë mbi fjalën</b> <ul style="list-style-type: none"> <li>a) Të kuptuarit dhe përdorimi i drejtë i kuptimit të fjalës.</li> <li>b) Interpretimi i kuptimeve të dyta, si pasuri gjuhësore brenda situatës tekstore.</li> <li>c) Vlerësimi i kuptimeve të figurshme të fjalëve.</li> </ul>	<b>Nxënësi është i aftë:</b> <ul style="list-style-type: none"> <li>- të zbulojë kuptimin me të cilin del fjala në kontekstin që përdoret;</li> <li>- të interpretojë kuptimet e figurshme të fjalëve, si pasuri e shprehjes artistike në një tekst letrar;</li> <li>- të interpretojë kuptimet e dyta të fjalëve, si pasuri gjuhësore e shqipes brenda situatës dhe hapësirës tekstore;</li> <li>- të vlerësojë kuptimet e figurshme të fjalëve, si pasuri gjuhësore e shqipes brenda situatës dhe hapësirës tekstore;</li> </ul>

	e shprehjes artistike në një tekst.
<b>Strategjite e të lexuarit</b>  a) Përdorimi i strategjive të të lexuarit për të kuptuar një tekst.  b) Identifikimi i veçorive të teksteve.  c) Evidentimi i veçantive të llojeve të ndryshme të teksteve dhe krahasimi mes tyre.  d) Zbulimi dhe vlerësimi i pozicionit të autorit.	<b>Nxënësi është i aftë:</b>  - të zbatojë strategji të tilla të lexuarit, si: strategjia e hartës së tekstit, e problem-zgjidhjes, e përbledhjes dhe e diagramit të Venit;  - të përdorë informacionin e tekstit për të zbuluar nëntekstin dhe për të nxjerrë përfundime;  - të parafrazojë informacionin e marrë nga tekste të llojeve të ndryshme;  - të bëjë përbledhjen e një teksti;  - të zbulojë tipare të përbashkëta dhe dalluese ndërmjet teksteve të ndryshme në lidhje me: personazhet, temën, problem-zgjidhjen, lidhjen e ndërmjetme dhe relacione të tjera;  - të vlerësojë stilin e autorit në tekste të ndryshme.
<b>Pasurimi i fjalorit</b>  a) Zbulimi dhe përdorimi i dukurive gjuhësore, si: polisemia, homonimia, sinonimia, antonimia, shprehjet frazeologjike.  b) Vlerësimi i figurshmërisë së përdorur në tekste të ndryshme, përmes burimeve gjuhësore të shprehësisë.	<b>Nxënësi është i aftë:</b>  - të përdorë gjerësish dhe me efikasitet dukuritë semantike, si: polisemia, homonimia, sinonimia, antonimia;  - të analizojë figurshmërinë e përdorur në tekste të ndryshme përmes burimeve gjuhësore të shprehësisë (fonetike, morfologjike, leksikologjike, sintaksore), për të pasuruar fjalorin;  - të pasurojë fjalorin përmes krijimit të fjalëve e të kuptimeve të reja dhe futjes në përdorim të fjalëve dialektore me vlera shënuese e shprehëse;  - të pasurojë fjalorin me fjalë të huaja të domosdoshme, duke mënjanuar fjalët e huaja të panevojshme.
<b>Aftësitë e të kuptuarit të tekstit</b>	<b>Nxënësi është i aftë:</b>

<b>dhe reflektimi ndaj tij</b>  Përdorimi i njohurive dhe aftësive për të kuptuar tekstin:  a) Evidentimi i rolit të fjalëve në krijimin e tonit dhe atmosferës së veprës.  b) Interpretimi i një vepre në drejtim të arritjes artistike, gjuhësore, filozofike, shoqërore e psikologjike.	<ul style="list-style-type: none"> <li>- të analizojë tekstin (letrar dhe joletar), si formë e larmishme e ligjërit;</li> <li>- të tregojë se si teksti pasqyron artistikisht marrëdhënie historiko-shoqërore të një periudhe kohore të caktuar;</li> <li>- të identifikojë karakteristika të kompozicionit në tekste të ndryshme;</li> <li>- të identifikojë karakteristika përbajtësore të teksteve (tema, tematika, motivi, karakteret);</li> <li>- të dallojë faktin nga opinioni, duke përdorur informacione nga teksti, argumente logjike dhe këndvështrim vetjak;</li> <li>- të dallojë lidhjen logjike të argumenteve në tekste të ndryshme;</li> <li>- të zbulojë qëndrimin e autorit ndaj “lëndës” që trajton dhe ndaj lexuesit të cilët i drejtohet;</li> <li>- të zbulojë se si përdorimi i fjalëve të autorit krijon tonin dhe atmosferën e përgjithshme të veprës;</li> <li>- të interpretojë një vepër në drejtim të arritjes artistike, gjuhësore, filozofike, shoqërore e psikologjike;</li> <li>- të zbulojë tipare të përbashkëta dhe dalluese midis një teksti të traditës letrare dhe një shkrimi bashkëkohor, duke i vendosur në marrëdhënie krahasuese.</li> </ul>
--	---

## TË SHKRUARIT

Nënlinja	Objektivat
<b>Shkrimi si proces</b>	<b>Nxënësi është i aftë:</b>
a) Përfshirja në hapat e	<ul style="list-style-type: none"> <li>- të përfshihet në të gjitha hapat e procesit të të</li> </ul>

<p>domosdoshëm të procesit të të shkruarit.</p> <p>b) Njohja dhe përdorimi i elementeve të sistemit të vlerësimit.</p>	<p>shkruarit: parashkrimi, draftimi, rishikimi (redaktimi e korrektimi);</p> <ul style="list-style-type: none"> <li>- të përdorë elementet e sistemit të vlerësimit (ideja kryesore, nënendetë, organizimi, drejtshkrimi, fjalori, saktësia gramatikore, referencat) për shkrimin e tij.</li> </ul>
<p><b>Shkrimi si produkt</b></p> <p>a) Realizimi i një shkrimi për tema, qëllime dhe audiencia të caktuara.</p> <p>b) Përdorimi i elementeve të domosdoshme për të përfunduar një shkrim.</p>	<p><b>Nxënësi është i aftë:</b></p> <ul style="list-style-type: none"> <li>- të shkruajë tekste me disa paragrafë duke zhvilluar një ide kryesore;</li> <li>- të përdorë gjuhë të saktë, detaje specifike, përshkime, shembuj, përkufizim, analogji;</li> <li>- të shkruajë pjesën në mënyrë të tillë që të bindë lexues të ndryshëm;</li> <li>- të zgjedhë fjalët dhe format gjuhësore për të shprehur ngjyrime emocionale personale etj.;</li> <li>- të përdorë stil vetjak dhe autorial për të tërhequr vëmendjen e audiencës;</li> <li>- të përdorë drejt kuptimet e para dhe të dyta të fjalëve;</li> <li>- të përdorë struktura, të tilla si: kronologjia, sekuenca, titujt, nëntitujt etj.</li> </ul>
<p><b>Format e shkrimit, audiencia dhe qëllimet</b></p> <p>a) Demonstrimi i aftësive për të shkruar në forma të ndryshme, për një shumëlojshmëri audiencash dhe qëllimesh, si dhe duke zbatuar kriteret e domosdoshme për çdo formë.</p>	<p><b>Nxënësi është i aftë:</b></p> <ul style="list-style-type: none"> <li>- të shkruajë lloje të ndryshme tekstesh, të cilat: <ul style="list-style-type: none"> <li>• zhvillojnë një ide;</li> <li>• kanë një organizim strukturor të përshtatshëm me qëllimin, audiencën dhe kontekstin;</li> <li>• përfshijnë informacione të rëndësishme, duke përjashtuar informacionet më pak të rëndësishme;</li> <li>• mbështesin gjykimet me të dhëna të përshtatshme e thelbësore, si dhe me detaje të</li> </ul> </li> </ul>

	<p>përzgjedhura;</p> <ul style="list-style-type: none"> <li>- të vlerësojë si ndikojnë mbi audiencën elemente, të tilla si: stili, mjetet letrare, përzgjedhja e fjalëve, toni, përbajtja e këndvështrimi.</li> </ul>
<b>Drejtshkrimi dhe pikësimi</b>	<p><b>Nxënësi është i aftë:</b></p> <ul style="list-style-type: none"> <li>- të përdorë rregullat drejtshkrimore të gjuhës standarde në të gjitha shkrimet;</li> <li>- të përdorë njohuri të gjuhës standarde për të redaktuar shkrimin vetjak;</li> <li>- të përdorë rregullat e pikësimit të gjuhës standarde në të gjitha shkrimet e tij.</li> </ul>

#### **IV. LISTA E VEPRAVE NGA DO TË PËRZGJIDHET FRAGMENTI I TEKSTIT LETRAR NË TESTIMIN KOMBËTAR**

##### **POEZI**

Homeri “Iliada”; Populli “Këngë të epikës legjendare shqiptare”; N. Frashëri “Lulet e verës”; De Rada “Këngët e Milosaos”; Bajron “Çajld Harold”; Fishta “Mrizi i zanave”, Poradeci “Lirika”; Migjeni “Vargjet e lira”; Kadare “Ca pika shiu ranë mbi qelq”.

##### **PROZË**

Servantes “Don Kishoti”; Hygo “Katedralja e Parisit”; Pashko Vasa “Bardha e Temalit”; Balzak “Evgjeni Grande”; “Xha Gorio”; P. Marko “Qyteti i fundit”; Kadare “Kështjella”; Kamy “I huaji”; Markes “100 vjet vetmi”; Koliqi “Tregtar flamujsh”.

##### **DRAMË**

Eskili “Prometeu”; Shekspir “Romeo dhe Zhuljeta”, “Mbreti Lir”, “Makbeth”, “Hamleti”; Molier “Mizantropi”; Ibsen “Shtëpi kukulle”, ”Armiku i popullit”; Çajupi “14 vjeç dhëndër”; Noli “Izraelitë dhe filistinë ”.